

鐵崖先生古樂府

二



鐵崖先生古樂府卷之六

門人富春吳復類編

金溪孝女歌

唐敬宗時撫之金溪有金銀場戶葛佑者
輸銀不足監官黃慄榜佑再死佑二女投
銀冶中化銀二錠事聞遂罷銀場金溪為
二女立廟至今血食危太樸有卷求余詩
為賦孝女歌云

金溪石石生銀鑿石石有盡銀令無時磷昨夜銀官
下斗山頭點銀戶葛家父無丁惟二女葛家父楚苦
苦楚與死隣二女痛父關一身駢首跳冶裂焰聞音

陝間與之語有悟。素不識書。即能賦五字詩。道其所脫然者。後遂入嵩山。不還者十年。父兄妻子莫知其所如。往。今隱居洛陽三井洞。抹坐不出。好事者往候見之。訖無一語。吾子為古詩文喜錄奇事。若道人者亦一奇也。且道人約余三年後當見于洛城之東。事果當以吾子之作遺之。余讀宋史知李希忠烈之助。亦一劖手耳。其可以五百例賤其人乎。若隱易者。既勇於敵而殺。又勇于不敢。而無殺。脫退其役。而進道於黃冠者。師非其以執術為不是。而訖善。

諸暨縣北楓橋溪風橋溪水上接顏烏栖其一入一
百二十里合萬和水萬和孝子廬父墓墓上芝生
羨楊生佛子與萬和孝子齊六歲懷母果二十為
母膏百藥藥弗醫叶啖母以肉將身割母病食肉
起其神若刀圭母死返九土常作嬰兒啼倚廬宿
苦塊棄隔妻與妻嗟哉佛子孝行絕人人不識感
鬼神頰下生瘡大如尊何人戲手瘡上捫明朝恠
事駭妻子頰下削贅無瘡痕背上一掌印爭來看
奇痕墳頭木共白兔馴更遣迎送烏成群傍人竹
弓不敢彈豈比八九雛生秦縣官上申聞旌戶復
其身佛子走告免稱主臣主臣嗟哉佛子誰媿稱

今之人有刃股乳脆孝子以為名規免徭征以希其旌嗟哉佛子誰媿稱。

佛子乃先生之曾大父也陳敷乃先生之師也佛子純孝異感非此詩不能發之自韓子董生行後復得此詩亦可見先生古詩有原來也故附著之。

金處士謨

吳人今可父賢智有才藝而自理於民衆嘖然以處士稱之權貴人以丘園科起處士處士絕之曰子幸有廬一區在市關可以避風雨田一廛在郭外可以給水食學

聖人之道可以自樂不願仕也且仕榮利
祿隱樂真素苟以相易彼此兩乘乘而強
合吾不能已吁處士如可父信其逸而貞
者歟故集賢舊老相與署牒錫號曰貞逸
會稽楊維禎為之賦詩曰

蘇州古隱君實始虞仲隱君放言中乎清與權次曰
澹臺氏言不枝行不迂未嘗匄走諸侯前五噫之夫
將其匹聯耕織為業不廢誦與絃亦有天隨仙配鷓
夷子理釣船去之五百年未繼者孰賢闔閭古城陰
曰有處士氏曰金長身而美髯封風局孤古古貌疏
且沉家不失篋里不失任有餘推與人矧肯壽祿入

心心關下足終南。村貧賤易屈貴富易淫。故大隱在
關市不在壑。與林鳳凰不能引高。神龍不能深淵。深
人呼為處士。更加貞與逸。號焉知古不如來今。吾嗟
今之士科。隱丘復事王侯。行無補。關言無裨。謀惟祿
食。是媒。利詭貞而隱。詭逸而休。以為吾人憂。故而返
澗。志岳隴。羞聞處士風。其不泚然在頽。豈吾人儔。

彭義士詞

義士元履野仁人

八十長者新城彭。一生好義不好名。天曆飢告江南
氓。官家鬻爵令新行。嗟我我彭粟有盈。內粟不與官
爵爭。豈惟內粟。爵不爭。民有乏。通我代庚。乏力我又
代民耕。民流過門給炊烹。吁嗟尔民曷報彭。期以八

百之長生

盧孤女

盧孤女年十五官家新條括童年東家媒娘傳巧語
盧家郎選東床李郎自有婦妻使余不當發知急婚
事如此悔不官家作驅使上堂拜姑身未知下堂失
身惟有死歸未抱琴彈高樓苦調不作離鸞愁東家
聘西家求明珠火具爭委投河可乾石可泐盧家女
節不可勒生作隻影蛾死作獨根柏烏年丈夫腐節
隨草莽阿盧之風齊砥柱若道錢唐女淫苦安得有
此盧家女

孔節婦

有美丈夫子。玉質長鬢鬚。自言五十五代孔子之孫。儒其母曰陶大家。大家生兒六月餘。丈夫子即稱孤。零丁未保麒麟雛。大家一節誓不渝。身有死不二夫。與孤為命相噫嗚。保抱不啻琉璃珠。但願孤長壽。豎我門戶扶我輿。天祚孔胤孤無虞。五歲解讀書。十歲能當閭。二十作賦喧。三吳竭來大家八十踰。孤三釜心何如。紫微相君新下車。止推先聖恩。及挈薦書上。達天王都。承恩歸來拜起居。堂上鶴髮霜頰都。烹羊擊鮮婦當厨。里中姆謹相呼。孔家生兒天與渠。康之鼻。曲阜俱棄之水。流泗洙。曰貞曰孝。表一廬。揚子作詩。詩不誣他日太史春秋書。

陳孝童

孝童名福越之錢清人年十歲侍母葉病
衣不解帶母病甚水漿粒食不進口中夜
潛出後庭泣于天曰我母病將死吾何依
割股代藥天其從我乎股割而母已死人
謂割股多救母童不能不亦妄譽乎予謂
童知愛親天之無偽者也割股救母而知
有其親而不知有其身也又豈知有名哉
季世奸民有刃股乳規免賦徭者若童又
豈有賦徭而為是哉割股童之天也母之
救不救亦天也予居與童鄰親觀其事可

以弘獎風教遂為賦詩。

錢清陳孝童十歲知孝母母病日以草藥餌空吮咀
夜庭人不知磨刀去剔股凡兒血肉軀軀小痛擾撻
孰識身在親慘毒至刀斧隣里聞孝童涕泗下如雨
道路聞孝童過車式其戶堂堂士大夫結髮在庠序
母背忍絕裾母殺亡捧土我作者童詩宜惟風童孺

強氏母

毘陵強可事母以孝聞母年踰八袞可方
以鄉校官調轉湖州從事感事母之日短
遂以侍親致事得陞承事郎浙東帥府從
事由是併得封母夫人縣君今年至正戊

子十一月二十三日長至適為夫人初度
日也。母子恩命皆以是日至。故為賦燕喜
詩一首。俾令官歌之。

強氏母。昆陵人。年已八十又一春。強家郎未七旬。五
十入官。教邑民六十轉官。在鄰郡。大府婉畫。方咨詢
守將。急移檄。候吏持在門。強家郎捧檄告母。母欣欣
一咲。還一頻。庭前大樹風不停。孝子惜陰寸寸勤。強
家郎養母。素不貪食。有祝鯉。寢有五色。相其肯貪天
之祿。一日離其親。羊未及致事。鮮檄奉晨。曠中書重
爾。天性真。馳文箋。天天不嗔。賜爾孝子七品秩。緋衣
始。納青絲綸。強氏母隨牒封邑君。一陽復為生辰。邑

官里老走僦僦上堂與母千百壽烹羊炮豕羅鮭珍
強家母抱牒謝天恩強家郎百拜百舞稱雷尊日日
起居太夫人項間壽帶日見雙條文眼前離立五世
之兒孫強家母壽無匹榮無倫

蔡君俊五世家慶圖詩

向端或作內端我
胡或作脫胡

蔡家肉譜繇司徒西蜀蔓衍雲間居胡笳一洗怨女
孤世世解讀中郎書傳家五葉忠孝俱鬱葱佳氣無
時無有母有母徐卿徐生兒衮衮麒麟駒擗岩君俊
老仙老不枯岩前雙桂雲敷腴綉與徒以斑爛裙或
拜成立或步趨登堂好美如群魚中有一人美且都
柏垣成陰返慈烏平反一咲堂上娛春衫初試如舞

雲樵青漁童侍兩隅。坐中有客皆鴻儒。晴簾花吹引
香篆。午窓竹雨鳴茶爐。不知人間有金屋。弱海之外
為蓬壺。只今諸孫稅桐襦。文采箇箇成於菟。玉階清
夢追爾祖。種德政與祝陰符。太夫人在錫冠帔。曾玄
滿眼紆青朱。紆青朱。贖買丹青添畫圖。

鐵面郎美趙御史也

鐵面郎不願白玉堂。願着錦衣裳。上明天耳目。下見
人肝腸。江南使者欺天隱。黃金車馱實虛托。忽焉青
天近。天目峯前見秋隼。父老出郭門焚香拜使君。使
君天上斗斟酌。元氣成冬春。成冬春立皇紀。董狐已
脩三國史。柱下惠文須出理。江南駭行且止。萬一讒

邪塞天耳手持堯時屈軼枝獨立殿前言國是鐵面
郎真御史

奉使譔美荅理麻氏也

至正乙酉天子遣天下奉使凡十二道三十有六人偉兀氏荅理麻在選中巡察西川司臬吏舞法首擊治之方面貴臣有驕而弗聽者亦糾詰之時政梗民必思痛豁去如鯁在咽必吐乃已彼不荅理如者如工尹商陽之兵殺三人以為不如是不足以反命事不幸類此而况生殺者皆不當法乎此西川使者之可譔也

皇帝五年秋。皇華遣使行九州。皇明明見萬里外。猶
恐陰曠生蛟游。奉使代天明。四目達九幽。假天喜怒
私恩讐。欺皇明是非。一逆海倒流。其中答理子。西邊
托週遊。西邊有鳥。其名爲休。蟹復有老狐。九尾而九
頭。扇妖作恠。呼匹儔。股我赤子血。上藏十二旒。力大
泰山不可拔。答理子一觸。泰山拆之。如不周。高乎漢
有張綱。衛有史。繡元有答理。足追前猷。太史筆不貶
褒。我作歌詩。繼春秋。

春草軒辭

瑤中一作瑤圃

昆陵華孝子。幼武六歲而孤。善事其母。以
純孝聞。嘗自取孟郊游子詞。名其所居軒。

曰春草子為體游子意賦春草詞

春暉庭下春雲暖春草軒前草長短中有百歲宜男
花一色青蚨綴枝滿青蚨子母生死恩草有靈芝生
孝門春暉照人春不老芝草闌干芝有孫當時夢生
芝草綠瑤草琅玕栖別鵠孤兒日長草忘憂錦初護
兒如護玉春菲菲草油油千金俊馬五花裘吁嗟兒
子母好遊銅駝陌上春風愁草萋萋春杲杲遊子歸
來在遠道堂前何以報春暉身上春袍照春草

萱壽堂詞

為海僧麻慈歷孫仲遠作

孫家高堂風日好堂前祗樹宜男草孫家阿婆昔宜
家今日宜男復宜老香霧濛濛吹綉輿花雨斑斑上